



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

De vigiliis & Missis in Capitulo.

urn:nbn:de:hbz:466:1-13591

tium duorum modiorum aliquo anno persolvere nobis ausu temerario in die neglecterint memorato, ex tunc prædict^o ager in nostram potestatem libere revertetur. Si verò tale seruitium non temere, sed impedimento legitimo nobis dare neglecterint suo die, ab illis talis negligentia nostro gratioso arbitrio relinquatur: & vt talis locatio robur obtineat firmitatis super ea, præmemoratis sex personis formauimus præsens scriptum, sigillorum nostrorum robore communitum. Cum testibus præsentibus idoneis & discretis, quorum nomina sunt, D. *Vilhelmus* &c. Datum in *Chremsa*, anno Domini M. CC. LXXXVI. In die vndecim milium, Virginum.

De vigiliis & Missis in Capitulo.

Quoniam per varios rerum tumultus emergentes multa ab humana labuntur memoria, necesse est ea quæ ad posteros volumus emanare scripturæ testimonio solidare. Nos igitur *Albertus* Comes de *Hals* cupimus patefieri vniuersis præsentem paginam inspecturis, quod cum Domino *Vrico*, venerabili Præposito Ecclesiæ *Osterhouen*, de consensu & bona voluntate fratrum eiusdem loci felicem tractatum cooperante spiritu consilij pro eodem commodo & ob salutem & remedium animæ nostræ omniumque parentum nostrorum, tam succedentium quàm, & eorum qui feliciter decesserunt, taliter cum ipsis contraximus, illud Euangelij attendentes: Beati misericordes, quoniam ipsi misericordiam consequentur. Vt singulis annis nobis viuentibus vna dierum, quam ad hoc eligerimus sex scassia. *Landauensium* mensuræ siue frumenti siue alterius annonæ de qua eodem anno dicti fratres sustententur, & porcos sex, quemlibet valentem Dn. L X. distribuere pauperibus non omitterent, & quidquid de dicta Eleemosyna residuum exierit, ibidem ad hospitalis domum deportetur, quod ex hoc pauperum indigentia valeat recreari. Fratrum verò confortio altera dimidia carrath vini cum alleciis & ouis cedet singulis annis de suis possessionibus tempore subnotato. Qualibet enim septimana vna dierum quam ipsi ad hoc elegerint circa vesperam vigiliæ defunctorum, ad sanctum spiritum & sequenti die Missa pro defunctis illic per Conuentus præsentiam persoluentur, nisi magnæ festiuitates, vt sunt hebdomadæ Natiuitatis & Resurrectionis Domini, & festu Pentecostes id ipsum interceperint. quo facto eodem die fratribus dimidia vna vini administrabitur, & oua duo cuiuslibet fratri cum cottidiana præbenda, quæ ex hac collatione nullatenus minuetur. In quadragesima singulis diebus ad Sanctum Spiritum conuentus mortuorum vespers decantabit, cui scilicet conuentui quolibet die per totam quadragesimam dimidia vna vini, & vnū allec, cuiuslibet fratri administrabitur cum cottidiana præbenda, quæ ex hoc detrimentum minime patietur. memoratam enim eleemosynam hoc anno & duobus sequentibus, ex parte prout melius poterint, & in quarto anno ac deinceps singulis annis perpetuo, sicut prælibauimus plenarie & fideliter persolvere non cessabunt. Quapropter præfatis fratribus in recompensationem sæpèdictæ Eleemosynæ duas vineas in *Austria* sitas, vnā in *Neunburch*, reliquam in *Chremsa* cum omnibus pertinentiis suis requisitis & irequisitis de nostra iusta proprietate contulim⁹ possidendas ipsas super aram *S. Margareta* virginis & martyris publice delegando. Insuper secundum quod ius proprietatis super tali collatione expostulat, a festo sancti *Michaelis* proxime venturo per anni circulum, & tota die sequenti, si quas impetitiones à quibuscuq; hominibus pro dictis vineis passi fuerint pro eis certissime erimus

erimus responsuri. Ceterum dicta eleemosyna in nostre depositionis die quæ anniuersarius noster erit, pro nostri remedio & omnium parentum nostrorum, & eorum qui suis beneficiis se prædictæ eleemosynæ implicauerit, distribuetur æternaliter ipso die, in quo & Conuentus sicut solitum est in solemnibus anniuersariis, albo pane, vino, piscibus & ouis consolari debetur. Præterea ut supradictæ Eleemosynæ consolatio rata sempiternaliter habeatur, compromissimus ex vtraque parte quod quamcunq; viam venerabilis Episcopus Pat. Ecclesiæ super eo inuenerit, à nobis & posteris nostris firmiter obseruari, Vt autem hæc collatio felicitis Præpositi nostri firma maneat & integra, & ne aliquius temeraria præsumptio eiusdem collationi valeat obuiare, præsens scriptum sigillorum nostrorum munimine duximus communire. Huius verò tractat⁹ testes sunt *Raechwinus* Prior, *Heinr.* Superior, frater *Walchunus* plebanus, frater *Vlricus Sueuus*, frater *Chunnr.* frater *Heinr.* infirmarius, frater *Vlricus* Cantor. frater *Grimoldus* Sacerdotes, frater *Fridericus*, frater *Heruicus*, frater *Eberhardus* Subdiaconi. Milites autē sunt *Herm.* & *Meingotus* dicti *Tsel*, *Eberhardus* & *Otto* fratres de *Desenheim*, *Otto Rex*, *Leutpoldus* de *Ekkharting*, *Tyrolsus* officialis de *Osterhouen*. *Heinr.* de *Aemingen*. Item de familia Domini de *Hals* *Fridericus* de *Eglosheim*, *Godfridus* Index, *Albertus* & *Vlricus* fratres de *Fuert*, *Chunnr.* de *Ekkharting*, *Chunnr.* de *Fronstet* *Reinoldus* de *Perndorf*, *Eberhardus* de *Prukperch*, *Eberhardus* Præpositus de *Gottinsdorf*, *Heinr.* & *Fridericus* fratres dicti de *Heranstorff*, *Heinr.* Celler, *Gutmannus*, *Gerhobus* & *Albertus* fratres de *Ranuels* *Chunnr.* *Tragenreutte*, *Rugerus* de *Monten*, *Chunnr.* Notarius, & alij quam plures. Acta sunt hæc anno incarnationis Domini Milleesimo Ducentesimo LXXXVII, in octauo Assumptionis Beatæ Mariæ virginis.

De Huba in Ebring

NE longinquitate temporis obscuretur conditio originis facta solent hominum scripturæ testimonio roborari, Idcirco. Ego *Heruungis* relicta Domini *Heinrici* de *Waldekke*, præsentib. confiteor & aperte profiteor, quod hubam sitam in *Ebring*, ad me iure proprietatis pertinentem, Dn. *Vlrico* venerabili Abbati & Conuentui S. *Margar.* in *Osterhouen*. Pat. dioc: deliberato consilio tradidi & vendidi pro XII. lib. Ratis, Dn. quorum solutionem & numerationem mihi confiteor esse factam renuncians non numeratæ pecuniæ doli mali exceptioni & omni defensionij, per quam de iure scripto vel non scripto postea supradicta venditio retractari. Processit enim dictæ venditionis contractus de voluntate & expresso consensu dilecti filij mei, Domini *Meingoti* Canonici Pat. & nepotum meorum qui publice iuri si quod eis in dicta huba videretur competere quomodolibet cesserunt & renunciauerunt in totum liberum venditioni meæ præbentes assensum. Prædictus etiam filius meus dilectus vsque ad annum & diem prædicto Cœnobio se auctorem & defensorem dictæ hubæ, se constituit contra iniuriantes, & quoslibet in pugnantes dictam hubam de proprietate vel etiam de aduocatione cum libera & exempta ab omni aduocationis sit dicta huba & nobis pro libera assignata. Erit etiam defensor præfatus Dominus *Meingotus* contra quoslibet suos consanguineos dictam hubam quocunque impugare volentes damna & interesse si quæ emerferint ob hoc dicto Monasterio soluturus. Eodem modo damna & expensas, quæ per extraneos occasione ante dictæ hubæ eidem euenirent Monasterio compensabit. Ad quæ scilicet ad liberum consensum huic venditioni & ad defensionem per annum & diem faciendam, &